

臨川先生文集

三

臨川先生文集卷第十一

古詩

寄題郢州白雪樓

聖俞為狄梁公孫作詩要子同作

蒙亭

和王樂道烘蟲

和聖俞農具詩十五首

次韻酬微之贈池紙并詩

酬冲卿月晦夜有感

送子思兄參惠州軍

送董伯懿歸吉州

八月十九日試院夢冲卿

平甫歸飲

荅陳正叔

過食新城藕

明州錢君倚衆樂亭

愛日

荅裴煜道中見寄

餘寒

孤城

和微之藥名勸酒

客至當飲酒二首

乙未冬婦子病至春未已

強起

飲裴侯家

送謝師宰赴任楚州二首

次韻遊山門寺望文青山

車螯

芥

寄題郢州白雪樓

折楊黃華笑者多。陽春白雪和者少。知音四海無幾人。况乃區區郢中小。千載相傳始欲慕。一時獨唱誰能曉。古心以此分冥冥。俚耳至今徒擾擾。朱樓瑣瓦何年有。接棟連空欲驚鳥。矯郢人爛漫醉浮雲。郢女參差躡飛鳥。丘墟餘響難再得。欄檻茲名復誰表。我來欲歌聲更吞。石城寒江首昏雲繞。

聖俞為狄梁公孫作詩要子同作

虎豹不食子鷄。梟不棄雄人。惡甚鳥獸。吾能與成功。愛有以計留。言有勢。方不容吾謀。適合意。幾亦齒。茲鋒時。恩淪九泉。褒取異代。忠堂堂社稷。臣近世孰如公。空使苗裔稱。稱揚得詩翁。一讀亦使我慨然。想餘風。

蒙亭

隱者委所逢。在物無不足。山林與坊市。語道歸一轂。詩人論巨細。此指尚局束。頗知區區者。自屏忍所欲。孰識古之人。超然遺耳目。豈於喧與靜。趣舍有偏獨。命亭今何為。似乃畏驚俗。至意不標揭。小名聊自屬。夏風簷楹寒。冬雪窓戶燠。春糞亂梅柳。秋徑深松菊。壺觴日笑微。裙屐相追逐。此樂已難言。况有新曲。

和王樂道烘蟲

秋暑汗流如炙，輒敝衣濕蒸塵垢。澆施施衆蟲當此
時，擇肉甘於虎狼，餓咀嚙侵膚未去已。爬搔次骨終
無那，時時對客輒自捫。十百所除纔幾箇，皮毛得氣
強復活。爪甲流丹，真暫破未能湯沐，取一空且以火
攻。令少挫踞爐熾炭，已不暇對竈張衣。誠未過飄零
乍若蛾赴燈，驚擾端如蟻旋磨。欲毆百惡死焦灼，肯
貸一凶生棄播。已觀細黠無所容，未放老姦終不墮。
然臍郛塢患溢世，焚寶鹿臺身易貨。冢中燎入化秦
屍，池上爇隨遷莽坐。彼皆勢極就煙埃，況汝命輕作
涕唾。逃藏壞絮尚欲索，埋沒死灰誰復課。此一本無熏
心得禍爾莫悔，爛額收功吾可賀。猶殘衆蟻恨未除，
自計寧能久安卧。

賀聖俞農具詩十五首

田廬

田父結田廬，聊容一身息。呼兒取茅竹，不借鄉人力。
起行廬旁，朝歸卧廬下。夕悠悠各有願，勿笑田廬窄。

樵斧

百金聚一冶，所賦以所遭。此豈異鑛錫，奈何獨當樵。
朝出在人手，暮歸在人腰。用捨各有時，此心兩無邀。

耕牛

朝耕草茫茫，暮耕水瀟瀟。朝耕及露下，暮耕連月出。
身無一毛利，立有千箱實。晚彼天上星，空名豈余匹。

水車

取車當要津膏潤及遠野與天常斡旋如雨自滾瀉
置心亦何有在物偶相假此理乃可言安得圓機者
牧笛

綠草無端倪牛羊在平地茅綿杳靄間落日一橫吹
超遙送逸響澶漫寫真意豈比賣錫人吹簫販童穉

颺扇

精良止如留疏惡去如擯如擯非爾憎如留豈吾吝
無心以擇物誰喜亦誰愠翁乎勤簸颺可使糠粃盡

田漏

占星昏晚中寒暑已不疑田家更置漏寸剝亦欲知
汗與水俱滴身隨陰屢移誰當哀此勞往往奪其時
牛衣

百獸冬自暖獨牛非毳毛無衣與卒歲坐恐得空牢
主人覆護恩豈啻一綈袍問爾何以報離離滿東臯

樓種

富家種論石貧家種論斗富貧同一時傾瀉應心手
行看萬壘空坐使千箱有利物博如此何慙在牛後
耒耜

耒耜見於易聖人取風雷不有仁智兼利端誰與開
神農后稷死般爾相尋來山林盡百巧揉斲無良材

錢鑄

於易見耒耜於詩聞錢鑄百工聖人爲此且取功不薄
欲收禾黍善先去蒿萊惡願同斲器悟更使臣工作

耨耨

銕金以為曲採木以為直曲相後先心手始兩得
秦人望屋食以此當金董君勿易耨耨勝鋒鏑

襍補

采采霜露下披披煙雨中蒲茅以為友衽褐相與同
勿妬市門人綺紉被奴僮當田慙邊城戎擐甲徂春冬

臺笠

史記索隱謂蓬累立也

耕有春雨濡私有秋陽暴二物應時須九州同我服
欲為生少慕得此自云足君思周伯陽所願豈華鼓

耘鼓

逢逢戲場聲壤壤戰時伍日落未云休田家亦良苦
問見今壟上聽此何莽鹵昨日應官繇州前看歌舞

次韻酬微之贈池紙并詩

微之出守秋浦時推冰看擣萬穀皮波工龜手吟今
樣魚網肯數荊州池霜飈奪色賈不售虹玉喪氣山
無輝方船穩載獻天子羔膺價徐取供吾私十年零落
尚百一持以贈我隨清詩君寧久寄金穀地方執賜
筆磨坳螭當留此物朝上一國日侍帝側書新儀不
然名山副史本褒拔元凱誅窮奇咨予文章非世用
畫鏤空爾糜冰脂揮毫才足記姓字竊學文恥從師
宜忽忽點汗亦何忍嘉既但覺難為辭篇終有意責
趙壁窮國恐誤連城歸傾囊倒篋耶一報安敢坐以
秦為雌

酬沖卿月晦夜二有感

夜雲不見天況乃星與月蕭蕭暗塵走坎坎寒更發

樓歌客尚飲酩酊不畏雪
不哭復有人鄰風送幽咽
紛然各所遇悲喜孰優劣
君方感莊周浩蕩擺羈縲
歸來亦置酒玉指調絃撥
獨我坐無爲青燈對明滅

送子思兄參惠州軍

法法曲江水天借九秋色
樓臺飛半空秀氣盤韶石
載酒填里閭吹花換朝夕
笙簫震河漢錦繡爛冠幘
地靈瘴癘絕人物傾南極
先朝有名臣卧理訟隨息
稍稍延諸生談笑與賓客
子來適妙年謁入交履屨
寂寞九齡後此獨望一國
虛翻禮丁汜韓愈俟趙德
孤岸鎮頽波俗流未易識
我方文葆中旋逐旌旗曠
去思今豈忘耳目熟遺迹
更含躬勤言僥仰問乖隔
當時府中兒侵尋鬢邊白
下帷雖著書不採寒餓迫
謂宜門閭士官路久烜赫
奈何猶差池更捧丞掾檄
驥摧千里蹄鵬墮九霄翰
人生無巧思天運有通塞
試觀馳騁人意氣宇宙窄
榮華去路塵謗辱與山積
優游祿仕間較計誰失得
送君強成歌陟岵翻感激

送董伯懿歸吉州

我來以喪歸君至因請從
君黃憂患中邂逅過於此
去年服初除聽鼓相助喜
毛有君數歸月但屈兩三指
茫然冬更秋一笑非願始
筮與楊柳下明月芙蓉水
僮饑屢闌門客罷方隱几
是非評衆詩成敗斷前史
時時對奕石漫浪爭生死
送迎皆幅巾設食但陳米
亦曾戲篇章揮翰疾高年
君豪才有餘我老憊先止
東城景陽陌南望長干紫
欲斷三畝蔬於焉寄殘齒

經過許後日唱和猶在耳新因心忽捨我欣悵坐彼已
江湖北風帆揆施即千里相逢一知何時莫惜緣與紙

八月十九日試院共步冲御

空庭得秋長漫漫寒露入幕愁漫漫喧喧人語已成
市白日未到扶桑間永懷所好却成夢玉色鬢鬢開
心頗逆知後應不復隔談笑明月相與閑

平甫歸飲

無田士相弔亦以廢燕樂我官雖在朝得飲乃不數
詩書向牆戶賓至無杯杓空取上古言疇之等糟粕
有如湯子雲歲晚天祿閣但無載酒人識字真未博
叔兮歸自東一笑堂上酌緒餘不及客見女聊相酢
高談非世歡自慰亦不惡寄言敏示華子壯趣由來各

答陳正叔

天馬志萬里駕鹽不如閑壯士困局束不如之字
利行有阨轍勢涉無恬瀾明明千年羞促促一日歡
孰肯避此世引身取平寬超然子有意為我歌石槃
予方慕孔氏委吏父盤淵聖御名得失未云殊聊各勉所
安

過食新城藕

他年過食新城藕枕藉船中甚親友今年却到經行
處獨坐昏煙對舞柳甘酸向口無所適牢落盤餐與
樽酒冰房玉節漫自好欲御逐休涕垂手曾參官學
居常近陽城離別初不久人同此願兩未能西風落
日空迴首

明州錢君同衆樂亭

使君幕府開東部，名宦高海曲人知。慕艤船談笑政，即
成洗滌山川作嘉趣。一泉浩蕩銀河注，想見明星弄
機杼。載沙築成天上城，一投虹爲橋取孤嶼。掃除荆棘
水中央，碧瓦朱甍隨指顧。春風滿城金版舫，來看置
酒新亭上。百女吹笙，綵鳳悲一夫。伐鼓靈鼉壯安期，
美門相與遊方丈。蓬萊不更求酒酣，忽跨鯨魚去陳
迹。空令此地留。

愛日

鴈生陰沙春冬息，陽海溼冥冥取南北。豈以食爲累
者子，愁病軀朴鄙人。所戲無才治時難，量力當自棄。
豈知塞上霜飄然，亦何事高堂已白髮。愛日負明義，
悲風吹平原。秣馬聊惕含懷，孰與語仰屋。思嘆嚼
孟母知身從萊妻，恥八制一肉儻易謀。萬鍾非得計。

答裴煜道中見寄

君遊苦數歸苦晚，一蹕險有千里遠。知君陟降且暮
間，馬力不勁厭長坂。兩脚墜地花枝低，風頭入溪蒲
葉偃。此處登臨不奈秋，心瓊樹森森遮疊巘。

餘寒

餘寒駕春風入我征衣，裳捫鬢祇得凍蔽面。尚疑劍
士耳恐猶墜馬毛欲吹僵，牢持有失箸疾飲無留湯。
曠曠扶桑日出有萬口，正光可憐當此時。不濕地上霜
冥冥鴻鴈飛北望去歲行，誰言有百鳥此鳥知陰陽。
豈時有必至前識聖，以臧把酒謝高翰。我知思故鄉。

孤城

孤城回望一作首距幾何。記得好處常經過。最思東山
煙樹色。更憶南湖秋水波。百年顛倒一作三如夢寐。
萬事乖隔一作萬事感激徒非歌。應須飲酒不復道。今夜江
頭明月多。

和微之藥名勸酒

赤車使者錦帳郎。從容巧馬留閑坊。紫芝眉宇傾一
坐。笑語但聞鷄舌香。藥名勸酒詩實好。陸釐為我書
數行。真珠的皪鳴槽牀。正嬰琥珀正可嘗。史君子細
看。流光莫惜覓醉衣。獨醒至死誠可傷。歡華易
盡。悲酸早人間。沒藥凡醫老寄言歌管眾少年。趁取
烏頭未白前。

客至當飲酒二首

結屋在牆陰。閉門讀詩書。懷我平生友。山水異秦吳。
杖藜出柴荆。豈無馬車窮。通適異趣談。笑不相喻。
豈復求古人。浩蕩與之俱。客至當飲酒。日月無根株。

二

天提兩輪光。環我屋角走。自從紅顏時。照我至白首。
纍纍地上土。往往平生友。少年所種樹。礫石行復朽。
古人有真意。獨在無心醜。冥冥誰與論。客至當飲酒。
乙未冬婦之病至春不已。

天旋無窮走。日月青髮能禁幾。回首見呻婦。嘆冬復
春強。欲笑歌難發。口苦卷幽尋。非貴嗜藜牀。穩卧雖
貧有二物。長乖亦可憐。一生所得猶多苟。

強起

寒堂耿不寐。轉轉聞書聲。不知誰家兒。先我霜上行。
歎息夜未央。遽呼買前楹。推枕欲強起。問知星正明。
昧且聖所勉。齊詩有鷄鳴。嗟予以窮食。更覺負此生。

飲裴侯家

裴侯飲我日向中。四坐賓客顏皆紅。掃除高館邀我
入。自出糶麥憐民窮。天邊眼力破萬里。桑麻宜宜山
四起。野心探尋殊未已。更欲漙衣北城水。忽見碧樹
櫻桃懸。下馬恣食不論錢。赤星磊磊落入我眼。恐是半
醉遊青天。裴侯方坐塵沙裏。役身授物當如此。我曾
偶挽簿領閒。何忍愛惜一日閑。且歸拂席飽眠睡。明
日更看滁南山。

送謝師宰赴任楚州

珠玉不自貴。故爲人所憐。賢愚亦如此。好惡有自然。
聞子欲東南。使我抱幽憤。炎風沙土中。甘與子留連。
大梁非無客。跪起廢食眠。相看獨不厭。以此知子賢。
衰氣已難強。壯心方少年。才高豈易得。勗子在雕鐫。

二

昆崙一支流向東。七月八月船如風。愛君少壯此行
樂。恨我留連成老翁。神頭兩岸水無窮。伏檻荷花滿
地紅。當時不得君携手。今日山川在眼中。

次韻遊山門寺望文脊山

宣城百山閒。文脊尤奇峯。拔出飛鳥上。圖畫難爲容。
爾昔有幽人。捫蘿追赤松。遺形此古室。孤坐塵裘重。

人去邈不反洞壑空藏龍側行蒼崖煙俯仰求靈蹤
遊者追可得甘棄萬戶封安能久塵土傾倒相迓逢

車螯

海於天地間萬物無不容車螯亦其一埋沒沙水中
獨取常苦易衛生乏明聰機緘誰使然含蓄略相同
坐欲腸胃得要令湯火攻置之先生盤噉客爲一空
蠻夏怪四坐不論殼之功狼籍堆左右棄置任兒童
何當強收拾持問大醫工

疥

浮陽燥欲出陰濕與之戰燥濕相留連虫出乃投間
搔膚血至股解衣燎鑪炭方其愜心時更自無可患
半醫急治之莫惜千金散有樂即有苦愜心非所願

臨川先生文集卷第十一

陽川先生文集卷第十二

古詩

和平甫舟中望九華山二首

和中甫兄春日有感

信陵坊有籠山樂官

收鹽

省兵

發廩

感事

美玉

寄曾子固

同社史君飲城南

有感

送孫叔康赴御史府

別馬祕丞

到郡與同官飲

追送朱氏女弟宿木瘤僧舍

招同官遊東園

九日隨家人遊東山遂遊東園

秋懷

既別羊王二君與同官飲城南

試茗泉

躍馬泉

白紵山

七星硯

九鼎

九井

寄題衆樂亭

書會別亭

題舒州山谷寺石牛洞泉穴

和平甫舟中望九華山二首

楚越千萬山雄竒此山兼盤根雖巨壯其末乃脩纖
去縣尚百里側身勇前瞻蕭條煙嵐上縹緲浮青尖
徐行稍復逼所矚亦已添精神去塵塵氣象來漸漸
卸席取近岸移船傍蒼蒹窺觀坐窮晡未覺晷刻淹
江空萬物息四面波瀾恬我然九女髮爭出一鏡圓
卧送秋月没起看朝陽暹遊氛蕩無餘瑣細得盡覘
陵空翠燾直照影寒鋌銛冢木立紺髮崖林張紫鬚
變態生倏忽雖神詎能占當留老吾身少駐誰云屢
惜哉秦漢君黃屋上衡瀟等之事嬉遊捨此何其廉
我疑二后荒神物久已厭埋藏在雲霧不欲登昏檢
又疑避喪封蔽匿以爲謙或是古史書脫落簡與籤
當時備巡遊今不在細練終南秦之望泰山魯所詹
天王與秩祭俎豆羅醢鹽苟能澤下民維此遠亦沾
方今東南旱土脉燥不黏尚無膚寸功豈免竊食嫌
神莽吾難知士病吾能砭文章巧博會智術工飛箝
薦寶玉珪璧論材自榷枿苟以飾婦妾謬云活蒼黔
豈如幽人樂茲山謝閭闔六石作戶牖垂泉當門簾

尋奇出後徑覽勝倚窗簷超然往不返舉世徒咕咕
高興寄日月千秋伴鳥蟾遐追商洛翁秦火不能炎
近慕楚穆生竟脫禁人錯吾意竊所尚人謀諒難愈

二

誰謂九華遠吾身未嘗詹唱篇每起予予口安能籍
憶在秋浦北空江上新蟾光潔寫一鏡迴環兩堤奩
露坐引衣襟風行歌帽簷維舟當此時巨細得盡瞻
試嘗論大略次乃述微纖此山廣以深包畜萬物兼
嘘雲吐霧雨生育靡不漸巍然如九皇德澤四海沾
此山相後先各出群峯尖毅然如九官羅立在堂康
挺身百辟上附麗無茲儉此山高且寒五月不覺炎
蒼樹蒼已綠冰霜尚涵淹頽然如九老白髮連蒼鬚
此山當無雲秀色鬱以添婉然如九女靚飾出重簾
瓊環與巾裙紺玉青紉縑遠之妍西施近或醜無鹽
變態不可窮詩者徒咕咕我初勇一往役世難安恬
浪荒不走職民瘼當誰砭乖離今數旬夢想欲窺覘
自期得所如何啻釋囚錯念昔太白巔下視海日暹
竭來天柱游屐齒尚苔黏猶之健飲食屢饗亦云饜
胡爲慕攀踏已億具不嫌豈其仁智心山水固所潛
男兒有所學進退不在占功名苟不諧廊廟等閭閻
況乃掄椽杙其誰辨榘歸歟巖崖居料理帶與籤
得石坐兀兀逢泉飲厭厭取舍斷在獨豈必詢謀僉
子語實慰我寧殊已中黔玉技將在山當倚以葭藁
詩力我已屈鋒鏖子猶鋒扶傷更一戰語汝其無謙

和守東兄春日有感

雪釋沙輕馬蹄疾。北城可遊今暇日。濺濺溪谷水亂流。漠漠郊原草爭出。嬌梅過雨吹爛熳。幽鳥迎陽語啾唧。分香欲滿錦樹園。剪綵休開寶刀室。胡爲我輩坐自苦。不念茲時去如失。飽聞高運動車輪。甘卧空堂守經帙。淮蝗蔽天農父餓。越卒圍城盜少逸。至尊深拱罷簫韶。元老相看進刀筆。春風生物尚有意。壯士憂民豈無術。不成歡醉但悲歌。回首功名古難必。

信陵坊有籠山樂官

萬里山林姿羽毛。何璀璨鳴聲應律呂。唯有知者愛都門市井兒。誰翫汝文采。應須鎖樊籠。勿受九增害。

收鹽

州家飛符來比櫛。海中收鹽今復密。窮囚破屋正嗟歎。執吏兵操舟去。復出海中諸島古。不毛島夷爲生今獨勞。不煎海水餓死耳。誰肯坐守無亡逃。爾來賊盜往往有。劫殺賈客沈其艘。一民之生重天下。君子忍與爭秋毫。

省兵

有客語省兵。省兵非所先。方今將不擇。獨以兵乘邊。前攻已破散。後距方完堅。以衆亢彼寡。雖危猶幸全。將旣非其才。議又不得專。兵少敗孰繼。胡來飲秦川。萬一雖不爾。省兵當何緣。驕情習已久。去歸豈能田。不田亦不桑。衣食猶六然。省兵豈無時。施置有後前。王功所由起。古有七月篇。百官勤儉。憇勞者已息。有

游民慕草野歲熟不在天擇將付以職省兵果有年

發廩

先王有經制頒貧上所行後世不復古貧窮主兼井
非民獨如此爲國賴以成築臺尊寡婦入粟至公卿
我嘗不忍此願見井地平大意苦未就小官苟營營
三年佐荒州市有棄餓嬰駕言發富藏云以救鰥惇
崎嶇山谷間百室無一盈鄉豪已云然罷弱安可生
茲地昔豐實土沃人良耕他州或昔窳貧貴不難評
幽詩出周公根本詐宜輕願書七月篇一寤上聰明

感事

賤子昔在野心哀此黔首豐年不飽食水旱尚何有
雖無剽盜起萬一且不久特愁吏之爲十室災八九
原田敗粟麥欲訴嗟無賦閭閻幸見省笞扑隨其後
況是交冬春老弱就僵什州家閉倉廩縣吏鞭租負
鄉鄰錄兩箇坐遠空南畝取貲官一毫姦桀已云富
彼昏方怡然自謂民父母搗來佐荒邦懍懍常漸或
昔之心所哀今也執其咎乘田聖所勉況乃余之陋
內訟取不勤同憂在僚友

美玉

美玉小瑕疵國工猶珍之大賢小玷缺良交豈其幾
小瑕可磨琢小缺可補磨不補亦不磨人爲交工何
寄曾子固

吾少莫與合愛我君爲最君名高山嶽岵嶽嵩高與太
低心以恣友似不諱塵垢又如滄江水不流清既滄

君身揭日月馭輒破氛靄我材特窮空無用補倉廩
謂宜從君久垢汚得洗汰人生不可必所願在顛沛
乘離五年餘牢落千里外投身落俗穿薄官自鉅鉞
平居每自守高論從誰丐搖搖西南心夢想與君會
思君挾竒璞願售無良僧窮閭抱幽憂凶禍費襁褓
州窮吉士少誰可壻諸妹仍聞病連月醫藥誰可賴
家貧奉養缺誰與通貨貝詩人刺曹公賢者荷戈役
奈何遭平時德澤盛汪濊鸞鳳鳴且下萬羽來颺颺
吻吻林間鹿爭出噓草藜乃今高出土動輒遭狼狽
人事既難了天理尤茫昧聖賢多如此自古云無奈
周人貴婦女扁鵲名醫滯今世無常勢趨舍唯利害
而君信斯道不閔身窮泰棄捐人間樂濯耳受天籟
諒知安肥甘未肯顧糠糲龍螭雖蟠屈不慕蛇蟻蛭
令人重感奮意勇忘身慕何由日親炙病體同痿艾
功名未云合歲月尤瀕愒懷思切劇効中夜淚霑霑
君嘗許過我早晚治車軟山蹊雖峻惡高眈發蒙肺
峯巒碧參差木樹青掩藹桐江路尤駛飛葉下鳴瀨
魚村指暮火酒舍瞻晨旆清醪足消憂玉鯽行可膾
行行願無留日夕佇傾蓋會將見顏色不復謀著蔡
延陵古君子譏樂恥言節細事豈足論故欲論其大
披披發韃橐懷懷見戈銳探深犯巖壁破惑翻強槍
離行步荃蘭偶坐陰松檜宵床連衾幃晝食共麈尾
茲歡何時合清瘦見衣帶作詩寄微誠誠語無綵繪

山公遊何處白馬鳴翩翩檀那十畝碧五月浮寒煙
留客聽其間風吹江海縣出罇不見日竹外空青天
焚蠟助月出酒光發金船狂客惜不去醉翁舞回旋
何必吹簫人玉枝自嬋娟歸路借紅燭雨星低馬前

有感

憶昨與胡子戲娛西城幽放片僕與馬獨身步田疇
牛豎歌我旁聽之爲久留一接田父語嘆之聖王侯
追逐恨不恣暮歸輒懷愁顧常輕千乘祗願足一丘
子時怪我少好此寂寞遊笙篁不入耳又不甘醪羞
那知抱孤傷罷頓不能道世味已鮮少但餘野心稠
乖離今十年班髮滿我頭昔與不畧盡食眠常百憂
每逢佳山水欲往輒復休方壯遂如此况乃高春秋

送孫叔康赴御史府

古人喜經綸萬事慙強聒時來上青冥俯仰但一節
危言回丘山聲利盡毫末由來治亂體宿昔心已達
肯隨俗好惡議論輕自決遺風何寥寥夢寐待豪傑
天書下東南趣召赴嚴關長材晦朝倫高行隱家闈
新除疇問望宿蘊行施設念吾非忘形此理未易說

別馬祕丞

伯夷惡一世季也皆鄉人吾嘗論夫子有似季之倫
人情路萬殊近世頗荆榛唯君遊其間坦坦得所循
意君誠愷悌慕向從宿昔柰何初相催鷄首已云北
萋萋郊原青漠漠風雨黑冠蓋滿津亭君今去何適

到郡與同官時倅舒州

瀉碧沄沄橫帶郭浮華
露霽遙連閣草木猶疑夏鬱
葱風雲已見秋蕭索
兀歌野舞同醉醒水果山肴互
酬酢自嫌多病少懽
以頌獨負嘉賓此時樂

自舒州追送心朱氏女弟憩獨山館宿木齋
僧舍明日赴長安嶺至皖口

晨霜踐河梁落日憩古宇
臯念彼千里行惻惻我心勞
攬轡上層岡下臨百川濠
寒流咽欲絕魚鼈久已逃
暮行苦遭迴細路隱
途蒿驚麀出馬前鳥駭六其曹
投僧避夜雨古檠昏
無膏山木鳴四壁疑身在波濤
平明長安頂飛雪忽盈
袍天低浮雲深更覺所向高

招同官遊古園

青青石上蘂霜至亦
已凋冉冉水中蒲爾生信無聊

感此歲云晚欲懽念
誰邀嘉我二三子為回東城鑊
幽菊尚可泛取魚鱉
補條毋為百年憂一日以逍遙

九日隨家八遊東山遂遊東園

暑往詎幾時涼歸亦云暫
相隨東山樂及此身無憾
聊回清池施更伏荒
城檻采采黃金花持盃為君泛

秋懷

城南平野寒多露窻
坐含風秋氣度鄰桑
穢滅已欲空悲虫啾啾
促機杼柴門半開掃
馬迹獨抱殘編與神
遇韓公既去豈能
治孟子有來還不拒

既別羊王二君與同官會飲于城南因成

寄用藥名

赤車使者白頭翁
當歸不入見天門
冬與山久別悲忽

憑澤瀉半天河漢空
羊王不留行薄晚酒肉從容遺
路遠臨流黃昏席未卷
玉壺倒盡黃金盃羅列當辭
更繾綣預知子不空
主月眼嚴徐長卿誤推挽老年揮
翰天子苑送車陸績隨子返坐聽城雞腸宛轉

試茗泉

此泉地何偏陸羽曾未闕
坻沙光散射竇乳甘潛洩
靈山不可見嘉草何由啜
但有夢中人相隨掬明月

躍馬泉

古水縮蛟螭憎山欲墮
突山祇來伐之半嶺跳鸞膝
玉珂鳴塞空組練光照日
崩騰赴不測一陷常萬匹
神戰異人間千秋爲儵忽
泉旁往來客夜寄幽人室
但聽鳴蕭蕭何由見神物

白紵山

白紵衆山頂江湖所縈帶
浮雲卷晴明可見九州外
肩輿上寒空置酒故人會
峯巒帳錦繡草木吹笙簫
登臨信地險俯仰知天大
留歡薄日晚起視飛鳥背
殘年苦局束往事嗟摧壞
歌舞不可求補名公并空
在

七星硯

余聞星墮地往往化爲石
石上有七星此理余莫測
持來當白日光彩不爲匿
恍如起鴻蒙俛仰帝垣側
嘗由偶然似見取參筆墨
豪心蕩珍異樂以萬金得
南工始爲僞傳合巧無隙
亦時疑世人故自有能畫

九鼎

禹行掘山走百谷蛟龍窟藏魑魅伏心誌幽岳尚觀
隙以金鑄鼎空九牧冶雲赤天漲爲黑黼風餘吹山
拔木鼎成聚觀變怪索夜人行歌鬼晝哭功施元元
後無極三姓衛守相傳屬弱周無人有宜出沉之九
幽折地軸始皇區區求不得坐令神姦窺邑屋

九井

得盈字

泓崖涉澗三十里高下桀確無人耕捫蘿俯首到山
趾仰見吹瀉何崢嶸餘聲投林欲風雨未勢卷土猶
溪阮飛蟲凌競走獸慄霜雪夏落雷冬鳴野人往往
見神物鱗甲漠漠雲隨行我來立久無所得空數石
上菖蒲生中官繫龍沉玉冊小吏磔狗澆銀觥地死
偶爾藏險怪天意未必司陰晴山川在理有崩竭立
壑自古相虛盈誰能保此千世後天柱不折泉常傾

寄題衆樂亭

陵陽遊觀吾所好恨不即過衆樂亭嘗聞騁騁入夢
寐吟筆自欲圖丹青千峯秀出百里外忽於其上崢
嶸極朝雲虛岳日暖暖夜水落澗風冷冷春花窈窕
鳥爭舞夏木蔭鬱綠哀鳴潦收葉落天地爽海月影
到山川明籃輿晨出誰與適坐與萬物觀虛盈令思
民事不忍後田間笑語催蠶耕吏休歸舍獄訟少墟
落飲酒欲秋成唯愁一日奪令去出來老稚交逢迎
彼民安知方祿仕徒喜使我寬逋征令知道義士林
服遺愛豈用吾詩評

書會別亭

西城路居人送客西歸處年年借問去何時今日扁舟從此去春風吹花落高枝飛來飛去不自知路上行人亦如此應有重來此處時

題舒州山谷寺石牛洞泉穴

皇祐三年九月十六日自

州之太湖過龍亭縣山谷乾元寺宿東道人文鏡弟安國擁火避石牛洞見李維習

復之書聽泉文之明日送乃刻習之後
水泠泠而北出山靡靡而旁圍欲窮源而不得竟悵望以空歸

臨川先生文集卷第十二

臨川先生文集卷之第十三

古詩

泊舟姑蘇

崑山慧嚴寺次孟郊韻

如歸亭順風

垂虹亭

張氏靜居院

丙戌五日京師作二首

答客

次韻唐詩蘇華亭十詠

顧林亭

寒穴

吳王獵場

始皇馳道

柘湖

陸瑁養魚池

華亭谷

陸機宅

崑山

三女崗

太白嶺

禿山

贈曾子固

鮑公水

寄李士寧先生

僧德殊水簾

杭州修廣師法喜堂

復至曹娥堰寄丁元珍

答曾子回南豐道中所寄

寄贈胡先生

得子固書因寄

寄虔州江陰二妹

登越州城樓

憶昨詩示諸外弟

泊舟杜蘇

朝遊盤門東暮山間門西四顧茫無人但見白日依
荒林帶昏煙上石歸鳥啼物皆得所託而我無安棲

崑山慧心聚寺次孟郊韻

僧蹤蟠青蒼臺上秋林露朝饑更清風藹遠亦香
掃石出古色洗松納空光久遊不忍還迫近冠蓋場

如歸自丁順風

春江窈窕來無地飛帆浩浩窮天際朝出吳川夕雲
溪回首喬林吹崖薺松師高卧自嘯歌戲彼挽舟行
復止人生萬事云外衍多道路後先能幾何

垂虹亭

三江五湖口地與天不隔日月所蔽虧東西渺然白
漫漫浸北斗浩浩浮南極誰沒此虹蜺欲濟兩間阨
中流雜蜃氣彌望相承翼初疑神所爲滅沒在頃刻

晨興坐其上傲兀至中真猶憐變化功不謂因人役
今君持酒漿談笑觀賓客頗誇九州物壯麗此無敵
炎煌丹沙柱璀璨黃金壁中家不慮始助我皆豪殖
喟予獨感此剝爛有終極改作不可無還當采民力

張氏靜居院

動者利進爲靜者樂止居物性有偏得惟賢時卷舒
張侯始出仕所至多名譽老矣歸偃休其地斷荒蕪
屋成爲令各各實與時俱南堂棲幽具晨起瞻像圖
北堂畫五禽游戲養形軀燕有諸賓庭學有諸子廬
問侯年幾何矯矯八十餘問侯何能爾心不藏憂愉
問侯客何爲弦歌飲投壺問侯見何讀夏商及唐虞
嵩山填門戶洛水遶階除侯於山水間結題有通衢
我念老退者古多賢大夫留侯亦養生乃欲凌空虛
閉門不飲酒豈異山中臞疎傳稍喜客揮金能自娛
不聞喜教子滿屋青紫朱張侯能兼取勝事古所無
褒稱有樂石丞相爲之書而我不自量聞風亦歌呼

丙戌五日京師作二首

北風關雨去不下驚沙蒼莽亂昏曉傳聞城外八九
里電大如拳死飛鳥

二

浮雲離披久不令太陽獨行乾萬物誰令昨夜雨滂
灑北風蕭蕭寒刺骨

答客

士常疑西伯何至文里屏管蠆親父子尚能并稟酷

昏主雖聖臣飛禍安可卜致命遂其志雖窮不為戮

次韻唐彦猷華亭十詠

顧林亭野王所居也

寥寥湖上亭不見野王居平林豈舊物歲晚空扶疎
自古聖賢人邑國皆丘墟不朽在名德千秋想其餘

寒穴

神農冽冰霜高穴與雲平空山溽千秋不出嗚咽聲
山風吹更寒山月相與清北客不到此如何洗煩醒

吳王獵場

吳王好射虎但射不操戈匹馬掠廣場萬兵助遮羅
時平事非昔此地桑麻多猛獸亦已盡牛羊在田坡

始皇馳道

穆王得八駿萬事得期修茫茫萬載閒復此好遠游
卓輪與馬跡此地亦嘗留想當治道時勞者尸如丘

柘湖湖中有山生柘故名今有廟云秦有女人湖為神

柘林著湖山菱葉蔓湖濱秦女亦何事能為此湖神
年年賽雞豚漁子自知津幽妖窟險阻禍福易欺人

陸瑁養魚池

野人非昔人亦復水上居紛紛水中游豈是昔時魚
吹波浮還沒競食糟糠餘吞舟不可見守此歲月除

華亭谷水行三百里入松江

巨川非一源源亦在衆流此谷乃清淺松江能覆舟
蟲魚何所知上下相沉浮徒嗟大盈北浩浩無春愁

華亭水自大盈入松江而此入海

陸機宅

故物一已盡嗟此歲年深野
視自著花荒棘自生鍼
芊芊谷水陽鬱鬱崑山陰
倏仰但如昨遊者不可尋

崑山

世傳陸氏家生機雲故名崑山言生五機也

玉人生此山山亦傳此名
崖風與水清越有餘聲
悲哉世所珍一出受敬傾
不如鶴與猿棲息尚全生

三女崗

吳王葬三女於此

自古世上雄慷慨擅功名
當時豈有力能使死者生
三女共一丘此憾亦難平
音容若有作無力傾人城

太白嶺

太白龍蹙東南馳眾嶺環合青紛披
煙雲厚薄皆可愛樹石疎密自相宜
陽春已歸鳥語樂溪水不動魚行遲
生民何由得處所與茲魚鳥相諧熙

禿山

更役滄海上瞻山一停舟怪此禿
誰使鄉人語其由
一狙山上鳴一狙從之遊相匹乃生子
子眾孫還獨山中草木盛根實始易求
攀挽上一極高屈指亦窮幽
眾狙各豐肥山乃盡侵牟攘爭取一飽
豈暇議藏收大狙尚自苦小狙亦已愁
稍稍受咋嚙一毛不得留狙雖巧過人
不善操耨耨所嗜在果穀得之常似偷
嗟此海山中四顧無所投生生去去云
已歲晚將安謀

贈曾子周

曾子文章衆無有水之江漢星之斗
挾才乘氣不媚
衆群見誘傷均一口吾語群見勿誘傷
豈有曾子終

皇皇借令不幸。賤且死後日猶愛班與揚。

鮑公水

村南鮑公山。山北鮑公水。高穴逗遠源。泠泠落山紫。玉色與飴味。不可他味比。竹樹四蒙密。翠藤相披靡。漫郎昔少年。幽居得之此。臨窺若有遇。愛歎無時已。浮名未汙淥。永矢終焉爾。奈何中棄入。長安十載風塵化。舊顏謹囂滿耳。不可洗。此水泠泠空在山。

寄李士寧先生

樓臺高聳間晴霞。松檜陰森夾柳斜。渴愁如笠前去年。華陶情滿滿傾榴。花自嗟不及門前水流到。先生雲外家。

僧德殊家水簾求予詠

淙淙萬音落石顛。皎皎一派當簷前。清風高吹鷲鶴唳。白日下照蛟龍涎。浮雲耕額自能卷。缺月琢鉤相與懸。朱門試問幽人價。翡翠鮫綃不直錢。

杭州修廣師法喜堂

浮屠之法與世殊。洗滌萬事求空虛。師心以此不挂物。一堂收身自有餘。堂陰置石雙嵴嶺。石脚立竹青扶疎。一來已覺肝膽豁。况乃宴坐窮朝晡。憶初救時勇自許。壯大看俗尤崎嶇。豐車肥馬載豪傑。少得志願多憂虞。始知進退各有理。造次來可分賢愚。會將築室返耕釣。相與此處吟山湖。

復至曹娥堰寄剡縣丁元珍

溪水渾渾來自北。千山抱水清相射。山深水急無兼

子欲從故人安可得故人昔日此水上。罇酒扁舟慰
行役。津亭把手坐一笑。我喜滿懷君動色。論新講舊
惜未足。落日低徊已催客。離心自醉不復飲。秋果寒
花空滿席。今年却坐相逢處。悵悵難求別時迹。可憐
溪水自南流。安得溪船問消息。

荅曾子固南豐道中所寄

吾子命世豪術學窮無間直意慕聖人不問閔與顏
彼齋何爲者詎名來嘖嘖應遽犯秋陽動爲人所歎
不郵我躬瘁乃嗟天澤慳令人念公卿燁燁趨玉班
借無憫世意狙猿而佩環愛子所守卓憂子不能攀
永矢從子游合如扉上錄願言借餘力迎浦練滄海
亦有衣上塵可攀裨太山大江秋正清島嶼相縈鬱
四盼浩無主日暮煙霞斑水竹密以勁霜楓衰更
實託亦云健行矣非閒關相期東北遊致館淮之濱
無爲襲寧羸悠然及溫還

寄贈胡先生 并序

孔孟去世遠矣信其聖且賢者實諸書焉耳翼之先
生與子並世非若孔孟之遠也聞薦紳先生所稱述
又詳於書不待見而後知其人也歎慕之不足故作
是詩

先生天下豪傑魁曾臆廣博天所開文章事業望孔
孟不復睥睨蔡與崔十年留滯東南州飽足藜藿安
蒿萊獨鳴道德驚比氏民之間者源源來高冠大帶
滿門下奮如百龍乘雲雷惡人沮服善者起昔時躋

跡今驚回先生不試乃能爾誠令得志如何哉吾願
聖帝營太平補葺廊廟枝傾頽披旒發續廣耳目照
徹山谷多遺材先收先生作梁柱以次補架桶與榱
羣臣面向帝深拱仰戴堂陛方崔嵬

得曾子固書因寄

始吾居揚日重問每見及云將自親側萬里同講習
子行何舒舒吾望已汲汲窮年夢東南顏色不可絕
仁賢豈欺我正恐事維繫嚴親抱憂衰生理賴以給
不然航江外天寒北風急無乃山路惡僕弱馬行疲
孤懷未肯開歲物忽如螯竭來高郵住巷屋頗卑濕
蓬蒿稍芟除茅竹隨補葺苟云禦風氣尚恐憂雨汁
故人莫在眼屢獨開巾笈忠信蓋未見吾敢誣茲邑
出關誰與語念子百憂集耽聽聊自放日暮城頭立
徐歸坐當戶使者操書入時開識子意如渴得美酒
驪駒日就道玉手行可執舊學待鐫磨新文得刪拾
重登城頭望喜氣滿原隰

寄虔州江陰二妹

貢水日夜下下與章水期我行二水間無日不爾思
飄若越鳥北心常在南枝又如歧首蛇南北兩欲馳
逝者日已遠百憂詎能追生存苦乖隔邂逅亦何時
女子歸有道善懷見於詩庶云留汝車慰我堂上慈

登越州城樓

越山長青水長白越人長家山水國可憐客子無定
宅一夢三年今復北浮雲縹緲抱城樓東望不見空

回頭人間未有歸耕處。早晚重來此地遊。

憶昨詩示諸外弟

憶昨此地相逢時。春入窮谷多芳菲。短垣囹圄冠翠
嶺。躑躅萬樹紅相圍。幽花媚草錯雜出。黃蜂白蝶參
差飛。此時少壯自負恃。意氣與日爭光輝。乘閑弄筆
戲春色。脫略不省旁人譏。坐欲持此博軒冕。肯言孔
孟猶寒飢。丙子從親走京國。浮塵空並緇人衣。明年
親作建昌吏。四月挽舫江上磯。端居感慨忽自寤。青
天閃爍無停暉。男兒少壯不樹立。挾此窮老將安歸。
吟哦圖書謝慶弔。坐室寂寞生伊威。材疎命賤不自
揣。欲與稷契遐相晞。旻天一朝畀以禍。先子泯沒予
誰依。精神不離肝肺絕。皆血被面無時晞。母兄呱呱
泣相守。三載厭食鍾山薇。屬聞降詔起群彥。遂自下
國趨王畿。刻章琢句獻天子。鈞取薄祿歡庭闈。身著
青衫手持版。奔走卒歲官淮沂。淮沂無山四封庠。獨
有廟塔九我巍。時時憑高一悵望。想見江南多翠微。
歸心動蕩不可抑。霍若猛吹翻旌旂。騰書漕府私自
列。仁者惻隱從其祈。暮春三月亂江水。勁櫓健帆如
轉機。還家上堂拜祖母。奉手出涕縱橫揮。出門信馬
向何許。城郭宛然相識稀。永懷前事不自適。却指舅
館排山扉。當時髫兒戲我側。于今冠佩何頽頽。况復
丘樊滿秋色。蜂蝶摧藏花草腓。令人感嗟千萬緒。不
忍蒼卒回驂駢。留當開樽強自慰。邀子劇飲母子違。

臨川先生文集卷第十四

律詩 五言八句

欣會亭

東臯

歲晚

半山春晚即事

歌眠

露坐

山行

題寶公塔院祠堂

定林

送張甥赴青州幕

送張宣義之官越幕 二首

送贊善張軒民西歸

送鄧監簿南歸

秋夜 二首

即事

晝寢

過故居

鴈

與道原過西莊遂遊寶乘 二首

送陶氏婦兼寄純甫

自府中歸寄西庵行詳

贈上元宰 二采之儀承議

贈殊勝院道人

懷吳顯道

淨照堂

重遊草堂次韻三首

題齊安寺山亭

自白門歸望定林有寄

宿定林示無外名務

宿北山示行詳上人

獨飯

草堂

示取天墮

光宅

示無外

北山落歸示道人

懷古二首

與寶覺定精舍

中書偶成

華藏寺舍日故人得泉

求全

秋風

次韻昌叔歲莫

次韻酬昌叔羈旅之作

欣會真

數家鄰水竹一塢天雲林晚食靜適已獨謠欣會心

移牀隨漫與操策取幽尋未愛神鮮波猶鱗鱗

東臯

起伏晴雲徑縱橫暖水陂草長流翠碧花遠及黃鸝
楚製從人笑吳吟得自怡東臯興不淺遊走及芳時

歲晚

月映林塘澹風含笑語涼俯窺憐綠淨小立佇幽香
携幼尋新的扶寒坐野航延緣久未已歲晚惜流光

半山春晚即事

春風取花去酬我以清陰翳翳陂路靜交交園屋深
牀敷每小息杖屨或幽尋惟有北山鳥經過遺好音

歇眼

翠幙卷東岡歇眼月半牀松聲悲永夜荷氣馥初涼
清話非無寄幽期故不忘扁舟亦在眼終自懷衣裳

露坐

露坐看澹月飄然風度荷珠跳散作點金湧合成波
老矣芳歲易靜知良夜多陵秋久不寐吾樂豈弦歌

山行

出寫清溪景歸穿蒼翠陰平頭均楚製長耳嗣吳吟
暮嶺已佳色寒泉仍好音誰同此真意倦鳥亦幽尋

題雲祠堂

在寶公塔院

斯文實有寄天豈偶生才一日鳳鳥去千秋梁木摧
煙留衰草恨風造暮林哀豈謂登臨處飄然獨在來

定林

漱甘涼病齒坐曠息煩襟因脫水邊履就數巖上衾

但留雲對宿仍值月相尋
官共樂非無寄悲興亦好音

送張甥赴青州幕

人情每期費之子適予心
老餞城東陌悲分歲暮襟
少留班露草遂往隔雲林
未覺青丘遠因風嗣好音

送張宣義之官越幕二首

會稽遊宦鄉海物錯句章
土潤箭萌美水甘茶串香
今君誠暫屈他日恐難忘
唯有西興渡靈胥或怒張

二

誰謂貴公子乃如寒士家
真宜舉敦樸已自勝浮華
洲菽藏迷子溪篁擁若耶
相望只在眼音聞莫言賒

送贊善張軒民西歸

柴荆雀有羅公子數經過
邂逅相知晚從容所得多
百憂生暮齒一笑隔滄波
早晚西州路遙聽下坂珂

送鄧監簿南歸

不見驪塘路茫然四十春
長爲異鄉客每憶故時人
水閣公三世雲浮我一身
濠梁送歸處握手但悲辛

秋夜二首

客卧書顛倒蟲鳴坐寂寥
殘燈生暗暈重露集寒條
眞樂閑尤見深禪靜更超
此懷無與晤擁鼻一長譌

二

慢逗長風細窻留半月斜
浮煙暝綠草泣露冷黃花
獨曳綠雲策竹尋度水槎
歸時參夜半鄰犬靜中譌

即事

徑暖草如積山晴花更繁
縱橫一川水高下數家村

靜憇雞鳴午荒尋犬吠昏歸來向人說疑是武陵源

晝寢甲子四月十日午時作

井逕從蕪漫青藜亦倦扶百年唯有且萬事總無如
弃置蕉中鹿驅除屋上烏獨眠惚日午往往夢華胥

過故居

泝枳開新屋扶輿遶故園事遺心獨寄路翳目空存
野果寒林寂蠻花午簟温難忘舊時處欲宿愧桑門

鴈

北去還為客南來豈是歸倦投空渚泊飢帖冷雲飛
垣柵維長暖溝池驚自肥憐渠不知此更墮野人機

與道原過西莊遂遊寶乘元豐四年十月二十四日

桑楊一作麻已零落藻荇亦復一作復消沈園宅在人境歲

時傷我心強穿西南一作南埭路共望北山岑欲覓一作與

道人語跨鞍聊一尋

二

親朋會合少時序感傷多勝踐聊為樂清談可當歌
微風淡水竹淨日暖煙蘿興極猶難盡當如薄暮何

送陶氏婦兼寄純甫

雲結川原暗風連草木萎遙瞻李行役正對女傷悲
夢事中千變生涯老百罹更慚無道力臨路涕交頤

自府中歸寄西庵行詳

意衰難自力扶路便思還強逐蕭騷水遙看慘淡山
行尋香草遍歸漾晚雲間西崦分明見幽人不可攀

贈上元宰梁之儀承議梁多留詩在江寧僧舍

白下有賢宰能歌如紫芝民欺自不忍縣治本無爲
風月誰同賞江山我亦思粉牆侵醉墨怙悵綠苔滋
贈殊勝院簡道人

早悟者山藟今爲洛社豪有生常寂寞所得是風騷
露夕吟逾苦雲收思共高此懷差自適千社一牛毛

懷吳顯道

南郭紅亭冷西山白道曛江光凌翠氣洲色亂黃雲
歲暮誰邀客情親故憶君天涯獨惆悵歸鳥黑紛紛

靜照堂

任公蹲會稽海上得招提淨觀堂新緝幽尋客屢攜
飛簷出風雨灑翰落虹蜺投老黃塵陌東看路恐迷
重遊草堂次韻三首

垣屋荒蕪野殿冷檀沈鶴有思顯意鷹無戀遁心
禪房閉深竹齋鉢度遙岑寂寞黃塵裏金身倚一尋

二

僧殘尚食少佛古但泥多寒守三衣法旣傳一鉢歌
寬閑每迸竹危朽漫牽蘿怙悵庭前栢西來意若何

三

野寺眞蘭若山僧老病多踈鍾挾谷響悲梵入樵歌
水映茅簷竹雲埋鳶女蘿拂塵書所見因得擬陰何

題齊安寺山亭

此山無躑躅故國有楊梅悵望心常折慙懃手自我
暮年逢火改晴日對花開萬里烏塘路春風自往來
自白門歸望定林有寄

忽於石路余亦倦躋樹不見道人久忽然芳歲殘
胡西雲暫出暮與鳥爭還杳杳青松壑知公在兩間

宿定林示無外名務

天女穿林至姁娥度隴來欲歸今晚晚相阻且徘徊
誰謂我忘老如聞蟲造哀鄰舍亦不寐共盡白雲杯
宿北山示行詳上人

都城羈旅日獨許上人賢誰爲孤峯下還來宴坐邊
是身猶夢幻何物可攀緣坐對青燈落松風咽夜泉

獨飯

窻明兩不借榻淨一遽條栩栩幽人夢天天老者居
安能問香積誰可告華胥獨飯牆陰轉看雲坐久如

草堂

草堂今寂寞往事翳山椒蕙帳空留鶴蘿衣終換貂
生皆墮天裘隱或寄公朝疊頴何勞怒東風汝自搖

示耿天驤

挾策能傷性捐書可盡年弦歌無舊習香火有新緣
白土長岡路朱湖小洞天望公時顧我於此暢幽愉

光宅

今知光宅寺牛首正當門臺殿金碧毀丘墟桑竹繁
蕭蕭新犢卧冉冉暮鴉翻回首千歲夢雨花何足言

示無外

支頤橫口語椎髻曲肱眠莫問誰賓主安知汝昔早年
鄰雞生午寂幽草弄秋妍却憶東窻篔簹藤故宛然

北山暮歸示道人

千山復萬山行路有無間
花發蜂窠繞果垂猿對
獨尋寒水度欲趁夕陽還
天黑月未上兒童初掩關

懷古二首

日密畏前境淵明欣故園
那知飯不賜所喜菊猶存
亦有牀座好但無車馬喧
誰爲吾侍者稚子候柴門

二

長者一牀室先生三徑園
非無飯蒲鉢亦有酒盈樽
不起華邊坐常開柳際門
漫知談實相欲辯已忘言

與寶覺宿精舍

擾擾復翩翩秋牀燭屢昏
眞爲說萬物豈止挾三言
問義曹溪室捐書闕里門
若知同一妄目擊道逾存

中書偶成

忽忽余年往茫茫不自知
慙慙照清淺邂逅見衰遲
朝世無賢業容身有聖時
歸歟今可矣何以長人爲

華藏寺會故人得泉

百憂成阻闊一笑得留連
城郭西風裏園林落照前
共知官似夢莫負酒如泉
興罷重携手江湖即渺然

求全

求全傷德義欲速累功名
玉要藏而待苗非揠故生
未妨徐出晝何苦急墮成
此道今亡矣嗟誰可與明

秋風

整斂一何饕天機亦自勞
牆隈小飈動屋角盛呼號
漠漠蘆沙密紛紛斷柳高
江湖豈在眼昨夜夢波濤

次韻昌叔歲暮

城雲漏日晚樹凍裏春深
慘密魚雖暖巢危鶴更陰
橫風高曠弩殘溜細鳴琴
歲換兒童喜還傷老大心

次韻酬昌叔羈旅之作

君方困旅食予亦誤朝簪
自索東方米誰多季子金
高門萬馬散窮巷一燈深
客主音何事蕭條梁父吟

臨川先生文集卷第十四

臨川先生文集卷第十五

律詩 五言八句

次韻唐公三首

烏塘

欲歸

發館陶

王村

長垣北

冬日

壬辰寒食

雨中

宿雨

乘日

秋露

還自河北應客

將次洛州憩漳上

和仲庶夜過新開湖憶沖之仲涂共泛

送契丹使還次韻荅淨因老

送吳叔開南征

遊樓霞庵約平甫至因寄

和樓霞寂照庵僧雲渺

宜春苑

春日

癸卯追感正月十五事

晚興和冲卿學士

秋興和冲卿

次韻冲卿除日春

題友人郊居水軒

遊賞心亭寄度州女弟

江亭晚眺

金山寺

揖仙閣

舟夜即事

何處難忘酒二首

送孫子高

送董傳

寄深州晁同年

白雲然師

自白土村入北寺二首

題朱郎中白都莊

中教授獨善堂

寄福公道人

身閑

遷家

題湯泉壁示諸子有欲閑之意

和唐公舍人訪淨因

沂溪懷正之

荅許秀才

次韻唐公三首

東陽道中

山蔽吳天密，江蟠楚地深。
浮雲堆白玉，落日寫黃金。
渺渺隨行旅，紛紛換歲陰。
強將詩話物，收拾濟時心。

江行

持非當世用，轂有故人推。
使節春冬換，征帆日夜開。
南游取千越，東望得州來。
試看風波惡，生涯亦可哀。

旅思

此身南北老，愁見問征途。
地大蟠三楚，天低入五湖。
看雲心共遠，步月影同孤。
慷慨秋風起，悲歌不爲誰。

烏塘

地僻居人少，山稠伏獸多。
怒狸朝搏鴈，嘯虎夜窺羅。
落生孫竹，門庭上女蘿。
未應悲寂寞，六載一經過。

欲歸

水漾青天暖，沙吹白日陰。
塞垣春錯莫，行路老侵尋。
綠稍還幽草，紅應動故林。
留連一盃酒，滿眼發歸心。

發館陶

促轡數殘更，似聞雞一鳴。
春風馬上夢，沙路月中行。
笳鼓遠多思，衣裘寒始輕。
稍知田父穩，燈火閉柴荆。

王村

曉靄王村路，春風北使旗。
塵催輕騎走，寒咽短簫吹。
攬轡聯貂帽，投鞭各酒卮。
紛紛小兒女，何事倚牆窺。

長垣北

橫縵長垣北，貂寒不自持。
霜風急鼓吹，煙月暗旌旗。

騎火流星點牆桑亞戟柴荆掩春夢誰見我行時

冬日

擾擾今非昔漫漫夜復晨風沙不貸客雲日欲迷人
散髮愁邊老開顏醉後春轉思江海上 一洗白輪巾

壬辰寒食

客思似楊柳春風千萬條更傾寒食淚欲漲冶城潮
巾髮雪爭出鏡顏朱早雕未知軒冕樂但欲老漁樵

雨中

尚疑櫻欲吐已恠菊成漂紫萸凌風怯青苔挾雨
長閑故有味多難自無聊牢落柴荆晚生涯付一瓢

宿雨

綠攪寒蕪出紅爭暖樹鱗魚吹塘水動鴈掃寒垣
宿雨驚沙盡晴雲畫漏稀却愁春夢短燈火著征衣

乘日

乘日塞垣入御風墮路歸胡皆躍馬去鴈却背人飛
煙水吾鄉似家書驛使稀忽忽照顏色恨不洗征衣

秋露

日月凋何急荒庭露送秋初疑宿雨泣稍怪曉霜稠
曠野將馳獵華堂已御裘空令半夜鶴抱此一端愁

還自河北應客

魏客問謠俗舊傳今自如村難知驥馬味美賽河魚
塞水移民久川防動衆初北人雖異論時議或非疎

將次洛州憩漳上

漠漠春風 茸茸綠草齊平田鷓散啄深樹馬迎嘶

地入河流曲天隨日去低高城已在眼聊復解輕齋
和仲庶夜過新開湖憶沖之仲涂共泛

水遠浮秋色河空洗夜氛行隨一明月坐失兩孤雲
露髮此時濕風顏何處醺淹留各有趣不比漢三君

白樂天有二處
成孤雲之句

送契丹使還次韻荅淨因老

老欲求五岳時方撫我華強將愁出塞空得病還家
日轉山河暖風含草木葩勝遊思一往不敢問三車

送吳叔開南征

摻袂不勝情犀舟擊汰行倦遊無萬里惜別有千名
春草淒淒綠江楓湛湛清金陵多麗景此去屬蘭成

遊棲霞庵約平甫至因寄

渺渺林間路蕭蕭物外僧高陰涼易入閑貌老難增
官事真傷錦君恩更飲水求田此山下終欲忤陳登

和棲霞寂照庵僧雲渺

平甫

蕭然一世外所樂有誰同宴坐能忘老齋蔬不過中
無心爲佛事有客問家風笑謂西來意雖空亦不空

宜春苑

宜春舊臺沼日暮一登臨解帶行蒼蘚移鞍一作坐
綠陰樹踈啼鳥遠水靜落花深無復增修事君王惜
費金

春日

冉冉春行暮菲菲物競華鶯猶求舊友燕不肯貧家
室有賢人酒門無長者車醉眠聊自適歸夢到天涯

癸卯正月十五事

正月端門夜金鼓絳綵中傳勝一鼓罷縱觀萬人同
警蹕聲如在嬉遊事已空但今千載後追詠太平宮

晚興和冲御學士

刻刻風生晚娟娟月上初白沙眠綠驥清浪谷鱗魚
竟欲從君飲猶便讀我書斜陽不到處牆角橙扶疎

秋興和冲御

雲浮朝慘淡風起夜颼颼欲作冰霜地先迴草樹秋
征人倚笛怨思歸向砧愁為問隨易馬哀鳴豈有求

次韻冲御除日立春

猶殘一日臈併見兩年春物以終為始人從故得新
近陽朝剪綵守歲夜傾銀恩賜隨嘉節無功祇自塵

題友人郊居水軒

日中三畝宅水上一軒開為有漁樵樂非無任進
接頭收晚釣荷葉卷新醅坐說魚腴美功名我未求

遊賞心亭寄虔州女弟

秀發千峯霽清涵萬里秋滄江天上落明月鏡中流
眼空魚俱斷身依影獨留為憐幽興極不見禹來遊

江亭晚眺

白下噫嶼外秋生沆碭間清江無限好白鳥不勝閑
雨過雲收嶺天空月上灣歸鞍侵調角回首六朝山

金山寺

重經高處寺一與白雲親樹不有春意江山如故人
幽軒含氣象偏影落風塵日台會經臨六維酒各換神

揖仙閣

結閣揖仙子 疏塘臨隱扉 水花紅四出 山竹翠相圍
雲度疑軒下 鳧鷖恐鳥飛 蜀韞寧可恃 投釣此志歸

舟夜即事

火炬臨遙岸 餘光照客船 水明魚中餌 沙暖鷺忘眠
感槩無窮事 遲回欲曉天 山泉如有意 枕上送潺湲

何處難忘酒二首

擬白樂天作

何處難忘酒 英雄失志秋 廟堂生莽卓 巖谷死伊周
賦斂中原困 干戈四海愁 此時無一盞 難遣壯圖休

二

何處難忘酒 君臣會合時 深堂拱堯舜 密席坐皋夔
和氣襲萬物 歡聲連四夷 此時無一盞 真負鹿鳴詩

送孫子高

蕩漾江南客 融怡席上吟 一罇相別酒 千里獨歸人
客路貧堪病 交情遠更親 自慙兒女意 失淚滴衣巾

送董傳

悠悠隴頭水 日夜向西流 行路未云已 歸人空復愁
文章合用世 顏髮未驚秋 一聽秦聲罷 還來上國遊

寄深州晁同正

秀色歸荒隴 新聲換鬢毛 七日催花藥 急雲避鴈行 高
駐馬旌旗暖 傳觴鼓吹豕 班春不知負 短髮為君搔

白雲然師

白首一山中 形骸禿木同 苔爭庵徑路 雲補衲穿空
塵土隨車轍 波濤信施一 昏昏老南北 應謝此高風

自白土村入北山二首

木杪田家出城陰野逕分
澗渠行碧玉畦稼卧黃雲
薄槿烟脂染深荷水麝焚
夕陽人不見雞鷲自成群

二

雨過百泉出秋聲連衆山
四尋飛鳥外時渡亂流間
坐石偶成歇看雲相與還
會須營一畝長此聽潺潺

題朱郎中白都莊

蕭灑桐廬守滄洲寄一屨
小光隔釣岸江氣雜炊煙
藜杖聽鳴鶻籃輿看種田
明時須共理此興在他年

史教授獨善堂

湖海十年舊林塘三畝餘
語非談者隱貧勝富人居
列鼎亦何有幅巾聊自如
猶應不獨善學子滿階除

寄福公道人

帝力護禪林滄洲側布金
糖以依水月觀門接海潮
音關士但軟語遊人多苦
吟嗚同方文宿燈火夜沉沉

身閑

身閑宜晚食歲晏忌晨興
人自嘲便腹吾方樂曲肱
睡蛇雖不去夢虺已無憑
寧以語中林客思禪病未能

還家

還家豈不樂生事未應閑
謂日已復出征鞍方更攀
傷心百道水閱目萬重山
何以忘羈放脩然醉夢間

題湯泉壁示諸子有欲閑之意

吟哦一水上披寫衆峯間
無運非彭澤留名比峴山
君才今高稷家行古原
顏平世雖多士安能易地閑

和唐公舍人訪淨因

西城方外士傳法自南華高蹈玩一世旁通兼數家
來遊仁者淨傳詠正而葩乘興何時至遠能託後車
沂溪懷正之

故人何處所天角浪漫漫寂寞斷音驛徘徊愁肺肝
世情紛可怪旅況浩難安願化東南鵠高飛託羽翰

答許秀才

高陽有才子負笈求晨饘所趣少知者其辭多慨然
樵妻音謝絕漂母嘗哀憐尚友古之人于今猶壯年

臨川先生文集卷第十五

